




御定星歷考原卷二

年神方位

三元九星



黃帝遯甲經曰三元者起於九宮也以休門為一白死

門為二黑傷門為三碧杜門為四綠中宮為五黃開

門為六白驚門為七赤生門為八白景門為九紫○

鬼谷三元歌曰軒轅黃帝戰蚩尤涿鹿經今^苦未休

偶遇天神授符訣登壇致祭謹虔修神龍負圖出洛

水彩鳳銜書碧雲裏因命風后演成文道甲奇門從此始先須掌上排九宮縱橫十五在其中須將八卦輪八節一氣統三為正宗。通書云九宮者神龜負文於背禹因以九陳疇即洛書戴九履一左三右七二四為肩六八為足五數居中縱橫斜皆成十五者是也河圖則天一地二天三地四天五地六天七地八天九地十而先餘有除十用九之說所謂河圖洛書相為經緯八卦九章相為表裏者也東漢張衡變

九章為九宮從一白二黑三碧四綠五黃六白七赤八白九紫分三元六甲以數作方而一白居坎二黑居坤三碧居震四綠居巽五黃居中六白居乾七赤居兌八白居艮九紫居離是為九宮靜則隨方而定動則依數而行

按上元甲子中宮起一白中元甲子起四綠下元甲子起七赤三元一百八十年而一週蓋一百八十者以宮數九與花甲六十俱可以度盡也逐年逆轉如

甲子年中宮起一白乙丑年中宮起九紫而其實甲子年一白在中宮乙丑年一白則在乾六故紫在中宮似逆而實順也以其年所直星入中宮順行九宮如康熙二十三年甲子一白入中宮二黑居乾三碧居兌四綠居艮五黃居離六白居坎七赤居坤八白居震九紫居巽也餘倣此

體為地盤

用為天盤

坤 二黑 兌 七赤 乾 六白 乾 六 兌 七 艮 八 離 九

離 九紫 中 五黃 坎 一白 中 五

巽 四綠 震 三碧 艮 八白 巽 四 震 三 坤 二 坎 一

靜則隨方而定

動則依數而行

三元年九星入中宮

康熙二十三年甲子為上元

上元 中元 下元 三元太歲所在

一白 四綠 七赤 甲子 癸酉 壬午 辛卯 庚子 己酉 戊午 九紫 三碧 六白 乙丑 甲戌 癸未 壬辰 辛丑 庚子 己未

白	二黑	五黃	丙寅	丁卯	甲申	癸酉	壬戌	辛亥	庚子
赤	一白	四綠	丁卯	丙子	乙酉	甲午	癸卯	壬子	辛酉
白	九紫	三碧	戊辰	丁丑	丙戌	乙未	甲辰	癸丑	壬戌
黃	八白	二黑	己巳	戊寅	丁卯	丙子	乙酉	甲午	癸卯
綠	七赤	一白	庚子	己卯	戊子	丁酉	丙午	乙卯	甲子
碧	六白	九紫	辛未	庚辰	己丑	戊戌	丁未	丙辰	乙丑
二黑	五黃	八白	壬申	辛巳	庚寅	己亥	戊申	丁巳	丙子

三元月九星

上元甲子正月中宮起八白蓋年前之十一月甲子起
 一白十二月起九紫故本年正月起八白也三年而
 一週蓋三年三十有六月數十二與宮數之九俱可
 以度尽也故以子午卯酉年為上年正月起八白辰
 戌丑未年為中元正月起五黃寅申巳亥年為下元
 正月起二黑亦以其所直星入中宮順行九宮與年
 九星同

三元月九星入中宮

上元^{子午卯酉}
四年仲年

中元^{辰戌丑未}
四季年

下元^{寅申巳亥}
四孟年

正月 八白

正月 五黃

正月 二黑

二月 七赤

二月 四綠

二月 一白

三月 六白

三月 三碧

三月 九紫

四月 五黃

四月 二黑

四月 八白

五月 四綠

五月 一白

五月 七赤

六月 三碧

六月 九紫

六月 六白

七月 二黑

七月 八白

七月 五黃

八月 一白
上黑

八月 七赤

八月 四綠

九月 九紫
十白

九月 六白

九月 三碧

十月 八白
九紫

十月 五黃

十月 二黑

十一月 七赤

十一月 四綠

十一月 一白

十二月 六白

十二月 三碧

十二月 九紫

歲德

曾門經曰歲德者歲中德神也十幹之中五為陽五為陰陽者君道也陰者臣道也君德自處臣德從君也

所理之地萬福咸集衆殃自避應有修營並獲福祐
○廣聖歷曰甲德在甲乙德在庚丙德在丙丁德在
壬戊德在戊己德在甲庚德在庚辛德在丙壬德在
壬癸德在戊

按律呂六陽當位自得六陰則居其衝歲德則五陽
干當位自得五陰干則取其合蓋陽以自得為德而
陰以從陽為德也

歲幹合

金櫃經曰歲幹合者天地陰陽配合也主除滅災咎而
興祐也福所理之方可以修營起土上官嫁娶遠行
參謁○歷例曰甲年在己乙年在庚丙年在辛丁年
在壬戊年在癸取其與歲干相合者是也今歷日歲
轉吉神無此條

歲德合

按歲德合者歲德五合之干是也甲年在己乙年在乙
丙年在辛丁年在丁戊年在癸己年在己庚年在乙

辛年在辛壬年在丁癸年在癸故歲德屬陽歲德合屬陰

歲枝德

神樞經曰歲枝德者歲中德神也德者得也得福之謂也主救危而濟弱所理之方利以興造牽動衆務○李鼎祚曰常居歲前五辰○曹震圭曰枝得者從太歲向前五合之辰也假令歲在甲子向前見己巳甲與己合即己為枝德也又如歲在丙子向前見辛巳

丙與辛合即己為枝德也餘倣此今歷日歲轉吉神無此條

太歲

神樞經曰太歲人君之象率領諸神統正方位幹運時序總成歲功以上元闕逢困敦之歲起建於子歲徙一位十二年一週若國家巡狩省方出師畧地營造宮闕開拓封疆不可向之黎庶修營宅舍築壘牆垣竝須迴避○黃帝經曰太歲所在之辰必不可犯○

爾雅註曰歲者取歲星行一次也○曹震圭曰太歲者歲星也故木星十二年行一周天一年行一次也

奏書

廣聖歷曰奏書者歲之貴神也掌奏記主伺察所理之地宜祭祀求福營建宮室修飾垣牆○蓬瀛書曰歲在東方奏書在東北維歲在南方奏書在東南維歲在西方書在西南維歲在北方奏書在西北維○曹震圭曰奏書者水神也為歲君之諫臣察私屈揚

德意之神也常居近歲後維方謂輔佐之道不敢先也神起於乾者順天之道也所理之方可率賢能於國有益

博士

廣聖歷曰博士者歲之善神也掌案牘主擬議所居之方利於興修○堪輿經曰博士者常與奏書對衝如奏書在艮博士在坤也○曹震圭曰博士者火神也掌天子明堂紀綱政治之神也常處於維方不敢自

專也初起於巽者明堂也所理之方可進賢能於國
有益

力士

堪輿經曰力士者歲之惡神也主刑威掌殺戮所居之
方不宜抵向犯之令人多瘟疫○明時總要曰歲在
東方力士居東南維歲在南方居西南維歲在西方
居西北維歲在北方居東北維○曹震圭曰力士者
天子之護衛羽林軍也常居歲前維方不敢遠於君

也所在之方可詔此方之臣以誅有罪

蚕室

堪輿經曰蚕室者歲之凶神也主絲繭綿帛之事所理
之方不可修動犯之蚕絲不收○廣聖歷曰蚕室者
常與力士對衝○曹震圭曰蚕室者蚕神所處也礼
記云古者天子諸侯必有公桑蚕室近川而為之築
宮初有三尺棘牆而外閉之及大昕之朝君皮弁素
積卜三宮之夫人世婦之吉者使入蚕於蚕室奉種

浴於川桑於公桑風戾以食之又月令曰季春之月后妃齋
戒親東鄉躬桑禁婦女毋見省婦使以勸蚕事
蚕事既登分繭稱絲効功以供郊廟之服無有敢
惰如是觀之則蚕室起於坤坤者玉堂之位后官之
所大川之地也其止巡行四維蓋取四季土位取近
川之義也所在之方天子庶民皆可祠祀

蚕官

歷例曰蚕官者歲中掌絲之神也所理之地忌營構宮

室犯之蚕母多病絲繭不收○黎幹曰歲在東方居
戌在南方居丑在西方居辰在北方居未

按蚕官者大抵公桑蚕室之官使蚕得養也如歲在
東方屬木上養於戌故在戌歲在南方屬火上養於
丑故在丑歲在西方屬金上養於辰故在辰歲在北
方屬水上養於未故在未也

蚕命

歷例曰蚕命者掌蚕之命神也所理之地不可牽動百

事犯之者主傷蚕絲繭不收○黎幹曰歲在北方居申歲在東方居亥歲在南方居寅歲在西方居巳按蚕命者蚕之所係以生也如歲在北方屬水水生於申故在申歲在東方屬木木生於亥故在亥歲在南方屬火火生於寅故在寅歲在西方屬金金生於巳故在巳今之蚕命子年未丑年午寅年亥卯年戌辰年巳巳年丑午年寅未年甲申年卯酉年辰戌年子亥年酉此恐有誤○又按萬全廣濟云亥子丑年未坤申寅卯辰年戌乾亥巳午未年丑艮寅申酉戌年辰巽巳假如亥子丑年蚕官在未蚕室在坤蚕命在申是也餘倣此

太陰

神樞經曰太陰者歲后也常居歲後二辰所理之地不可興修○蓬瀛書曰歲在四孟則與大將軍合於四仲名曰羣醜○曹震圭曰后妃所居者后宫也后宫之星在帝後二星

紫微垣北極五星第二為帝星第四為后宮

故太陰常

居太歲後二辰子年起戌順行十二辰如子年則在戌丑年則在亥寅年則在子是也

大將軍

神樞經曰大將軍者歲之大將也統御威武總領戰伐

若國家命將出師攻城戰陣則宜背之凡興造皆不

可也

○李鼎祚曰孟歲寅申以勝光午仲歲子午以

小吉

未季歲辰戌

以傳送申

加歲枝上逢天罡

辰為

大將軍如子年為仲年即以未加歲枝子上順數至

酉得辰即酉為大將軍也餘倣此○曹震圭曰大將軍其德忠直常居四正三年一遷所理之地可以命將帥選威勇以伐不義

按大將軍者統御武臣之職有護衛虎賁之象故居四正之位而從歲君之後如寅卯辰歲在東方則居正北巳午未歲在南方則居正東申酉戌歲在西方則居正南亥子丑歲在北方則居正西也

歲刑

曾門經曰歲刑者刑戮之神也金剛火強各守其方木
落归根水流趨末○翼奉曰巳酉丑金之位刑在西
方言金恃其剛物莫與對寅午戌火之位刑在南方
言火恃其強物莫與對亥卯未木之位刑在北方言
木恃榮華故陰氣刑之使其彫落申子辰水之位刑
在東方言水恃陰邪故陽氣刑之使不復歸所以子
刑卯丑刑戌寅刑巳卯刑子巳刑申未刑丑申刑寅
戌刑未辰午酉亥為自刑也○廣聖歷曰歲刑之地
攻城陣戰不可犯之動土興工亦須迴避犯之多聞
爭

按相刑之說翼氏最明蓋以巳酉丑刑申酉戌則巳
刑申酉自刑丑刑戌也以寅午戌刑巳午未則寅刑
巳午自刑戌刑未也以申子辰刑寅卯辰則申刑寅
子刑卯辰自刑也以亥卯未刑亥子丑則亥自刑卯
刑子未刑丑也

歲破

廣聖歷曰歲破者太歲所衝之辰也其地不可興造移徙嫁娶遠行者主損財物及害家長惟戰伐向之吉
○明時總要曰歲破者子年在午順行十二辰是也
歲殺

神樞經曰歲殺者陰氣尤毒謂之殺也常居四季謂四季之陰氣能遊天上○李鼎祚曰寅午戌殺在丑巳酉丑殺在辰申子辰殺在未亥卯未殺在戌○廣聖歷曰歲殺之地不可穿鑿修營移徙犯之者傷子孫

六畜○曹震圭曰月殺者三合五行成形之位所謂養是也大抵物之成形母必有傷故曰殺

劫殺

神樞經曰劫殺者歲之陰氣也主有殺害所理之方忌有興造犯之主有劫盜傷殺之事○李鼎祚曰寅午戌歲在亥卯未歲在申申子辰歲在巳巳酉丑歲在寅是也義見下節

災殺

神樞經曰災殺者五行陰氣之位也常居劫殺前一辰
主災病疾厄之事所理之方不可抵向營造犯之者
當有病患○曹震圭曰災殺者三合五行胎神也洞
源經曰劫殺起於絕災殺起於克假令申子辰年合
水局水絕於己故劫殺在己胎於午又水與午火相
尅故災殺在午也已酉丑年合金局金絕於寅故劫
殺在寅胎於卯又金與卯木相尅故災殺在卯也餘
倣此

按劫殺災殺歲殺是為三殺如曹氏說則三合五行
絕胎養之位也絕胎養者墓庫以後長生以前神樞
經所謂陰氣是也或謂三殺者三合五行當旺之衝
故有宜向不宜坐之說如申子辰合水局水旺於北
方南方其衝也故三殺在南方已午未餘倣此

伏兵 大禍

歷例曰伏兵大禍者歲之五兵也主兵革刑殺所理之
方忌出兵行師及修造犯之主有兵傷刑戮之咎○

黎幹曰寅午戌歲伏兵在壬大禍在癸亥卯未歲伏兵在庚大禍在辛申子辰歲伏兵在丙大禍在丁巳酉丑歲伏兵在甲大禍在乙是也○曹震圭曰伏兵大禍者以三合五行相尅之陽干為伏兵陰干為大禍伏兵災甚大禍災輕然木火以其來尅者金水則以其被尅者蓋金為白虎能殺萬物水為元武能終萬物故反以其所尅者為忌也按伏兵大禍夾處於三殺之間如申子辰年三殺在

己午未伏兵大禍則在丙丁是也餘倣此

官符

歷例曰官符者歲之凶神也主官府詞訟之事所理之方不可興土犯之者當有獄訟之事常居歲前四辰○曹震圭曰歲中掌符信之官文權之職也常居三合前辰為文官後辰為武職假令歲在寅寅午戌為三合局則午有官符文權也戌有白虎武職也餘倣此

畜官

廣聖歷曰畜官者歲中牧養之神也主養育羣畜之事
所理之方忌造牛欄馬櫪及放牧犯之者損六畜傷
財○歷例曰君歲前四辰○曹震圭曰畜者養也是
養畜之官以待百官之乘駟者也三合前辰與官符
同位

大殺

歷例曰大殺者歲中刺史也主刑閹傷殺之事所理之

地出軍不可向之併忌修造犯者主有傷殺○明時
總要曰子年起逆行四仲○曹震圭曰大殺者是歲
三合五行建旺之辰將星之位名曰刺史

按大殺子年在子丑年在酉寅年在午卯年在卯辰
年又在子如是逆行四正蓋申子辰三合為水水旺
於子也巳酉丑三合為金金旺於酉也寅午戌三合
為火火旺於午也亥卯未三合為木木旺於卯也

病符

病符者歲之惡神也主灾病疫癘所理之地不可安病人求醫藥及有興造犯之者主多病患常居歲後一辰○曹震圭曰居歲後一辰是言旧歲也新歲將旺旧歲必衰則病也

死符

經曰死符者歲之凶神也所理之方不可營塚墓置死喪及有穿鑿犯之者主有死亡常居歲前五辰○曹

震圭曰死符者是太歲自絕之辰也假令太歲在子是當旺也則丑為衰寅為病卯為死辰為墓巳為絕也餘倣此

五鬼

乾坤宝典曰五鬼者五行之精氣也主虛耗疾病驚怪之事所理之方不宜興幸抵向弔喪問病犯之主財物耗亡家招怪異○歷例曰子年在辰逆行十二辰○曹震圭曰辰與子水之精丑與卯木之精未與酉

金之精午與戌火之精寅申巳亥土之精謂土能生
育萬物四孟為五行長生之辰也故子年在辰逆行
自然相合也

按曹氏五行之說未確以理求之殆以歲序起子而
順行二十八宿起辰而逆行順者為陽為人逆者為
陰為鬼各以其數之起處轉而相應也

大耗

歷例曰大耗者歲中虛耗之神也所理之地不可營造

倉庫納財物犯之當有寇賊驚恐之事○明時總要
曰常居歲衝之地○曹震圭曰大耗者太歲擊衝破
散之神也物擊則破衝則散破散則耗也

小耗

經曰小耗者歲中虛耗之神也所理之方不宜運動出
入興販經營及有造作犯之者當有遺亡虛驚之事
○明時總要曰常居歲前五辰○曹震圭曰小耗者
小損也乃太歲氣絕之辰故曰小耗假令寅年寅旺

卯衰辰病已死午墓未絕也與死符同位餘倣此
按小耗常居大耗後一辰未至於大耗故曰小耗

黃幡

乾坤宝典曰黃幡者旌旗也常居三合墓辰所理之地
不可開門取土嫁娶納財市買及有造作犯之者主
有損亡○廣聖歷曰黃幡者寅午戌歲在戌申子辰
歲在辰亥卯未歲在未巳酉丑歲在丑○曹震圭曰
黃幡者歲君安居之位華蓋也故取三合五行墓辰

墓者土也故言其黃洞源經曰將出乎中軍蓋張於
庫上此之謂也

按寅午戌合火局火墓在戌故寅午戌歲戌為黃幡
也餘倣此

豹尾

豹尾者亦旌旗之象用豹尾為之蓋取所向疾速之義
也常居黃幡對衝其所在之方不可嫁娶納奴婢進
六畜及興造犯之者破財物損小口○曹震圭曰豹

之尾者虎賁之象先鋒之將也故常與黃幡相對
是置於華蓋之前也

飛廉

神樞經曰飛廉者歲之廉察使君之象亦名大煞所理
之方不可興工動土移徙嫁娶犯之主官府口舌疾
病遺亡○廣至歷曰子年在申丑年在酉寅年在戌
卯年在巳辰年在午巳年在未午年在寅未年在卯
申年在辰酉年在亥戌年在子亥年在丑也○曹震

圭曰飛廉與大煞同義解見第四卷

白虎

人元秘樞經曰白虎者歲中凶神也常居歲後四辰所
居之犯地之主有喪服之灾切宜慎之○曹震圭曰
居三合後辰解見官符節

喪門

紀歲歷曰喪門者歲之凶神也主死喪哭泣之事常居
歲前二辰所理之地不可興舉犯之者主盜賊遺亡

死喪之事○蓬瀛書曰子年在寅順行十二辰○曹
震圭曰喪門者太歲之轅門也故常居歲前二辰或
謂喪門與白虎對衝白虎主喪服之事衝之故凶

吊客

紀歲歷曰吊客者歲之凶神也主疾病哀泣之事常居
歲後二辰所理之地不可興造及問病尋醫吊孝送
喪○蓬瀛書曰子年在戌順行十二辰是也其位常
與官符對衝

金神

洪範篇曰金神者太白之精白獸之神主兵戈喪亂水
旱淫疫所理之地忌築城池建宮室豎樓閣廣園林
興工上梁出軍征伐移徙嫁娶遠行赴任若犯于神
者其忌尤甚○堪輿經曰甲巳之年在午未申酉乙
庚之年在辰巳丙辛之年在子丑寅卯午未丁壬之
年在寅卯戌亥戊癸之年在申酉子丑也○曹震圭
曰金神者以年幹五虎元曆之逢庚辛及納音金之

位者神也是假如甲己之年起丙寅順行得庚午辛未
又任申癸酉納音為劍鋒金故甲己年午未申酉為
金神也餘倣此

破敗五鬼

乾坤寶典曰五鬼者五行之精氣也主虛耗之事所理
之方不可與舉犯主財耗散○歷例曰甲壬年在巽乙
癸年在艮丙年在坤丁年在震戊年在離己年在坎
庚年在兌辛年在乾○曹震圭曰天文誌云鬼宿有
唐年在兌

五因以為名破敗者衝而散也

按納甲法乾納甲壬其衝在巽故甲壬之年在巽也
坤納乙癸其衝在艮故乙癸之年在艮也艮納丙其
衝在坤故丙年在坤也兌納丁其衝在震故丁年在
震也坎納戊其在離故戊年在離也離納己其衝在
坎故己年在坎也震納庚其衝在兌故庚年在兌
也巽納辛其衝在乾故辛年在乾也

太歲已下神殺出遊日

歷例曰太歲出遊日者甲子日東遊己巳日還位丙子
日南遊辛巳日還位戊子日遊中宮癸巳日還位庚
子日西遊乙巳日還位壬子日北遊丁巳日還位共
出遊二十五日○曹震圭曰太歲諸神者陰氣之化
地祇也蓋子至巳乃陽氣健旺之辰陰氣受制於陽
神不敢用事故假其出遊耳

按出遊日各以五子日幹為所往之方甲為東方木
故甲子日東遊丙為南方火故丙子日南遊庚為西

方金故庚子日西遊壬為北方水故壬子日北遊戊
為中央土戊子日遊中宮五者生數之極故各出遊
五日共五五二十五也

五姓修宅

宮音為土商音為金角音為木徵音為火羽音為水若
歲遇絕位為氣絕胎為白虎自墓為大墓冲墓為小
墓尅歲枝為害財歲枝來尅者為鬼賊同類為大通
相生為小通如宮姓屬土長生於申則巳年氣絕午

年白虎申酉年小通辰年大墓戌年小墓丑未年大
通亥子年害財寅卯年鬼賊也商姓屬金寅年氣絕
卯年白虎丑年大墓未年小墓巳午年鬼賊申酉年
大通辰戌亥子年小通也角姓屬木申年為氣絕鬼
賊酉年為白虎鬼賊未年為大墓丑年為小墓辰戌
年為害財寅卯年為大通巳午亥子年為小通也徵
姓屬火亥年為氣絕鬼賊子年為白虎鬼賊戌年為
大墓辰年為小墓申酉年為害財寅卯丑未年為小
通巳午年為大通也羽姓屬水則巳年為氣絕午年
為白虎丑未年為鬼賊辰年為大墓戌年為小墓寅
卯申酉年為小通亥子年為大通也起月與年同宜
大通小通月不宜大墓小墓月然選擇修造以不用
此存之以仍其旧

男女九宮

上元甲子男起七宮女起五宮中元甲子男起一宮女
起二宮下元甲子男起四宮女起八宮男逆而女順

男五宮則寄二宮女五宮則寄八宮今以三元九星
例推之則起兌七者乃下元非上元也起坎一者乃
上元非中元也起巽四者乃中元非下元也不知傳
於何時今陰陽家以為合婚之用殊無理解至以中
五配二八者則猶坤艮屬土之說矣

御定星歷考原卷二



